

Message Two

Khrih tah vaanben ukna kah bisainathli aka khueh kung la Mami kah tuudoenkung, duemna oen cangtii tuhkungla awmna

Teeham Caciim. Matt.9:20-22, 36. 11:28-30. 13:3,18-23

I. Khrih tah vaanben ukna kah bisainathli- amah kah himbaai keeng aka khuehkungla a thui – Matt. 9:20-22.

- A. Khrih kah himbaai tah doengna bisainathli huhsakna la awm tih, himbaai paai te tah vaanben ukna huhsakna la awm. “Nanglawng Israel thlangthli teng na thui pe ham tah; Aka law hamkoei cadil nauha toela na khawawk dung dawngkah a kilthli ah khawcil rui a paai na sai ai. Te himbaai paaithli te na huh u vengah, Jehova kah awlpeekthli te na poek poepa ai. Nangmi kah Pathen ham a ciimna hamla tetila nasai u ai – Num.15:38-40.
 - 1. Rui tah pinzenna huhsakna tih, khawcil raawng tetah vaanben huhsakna la awm.
 - 2. Te dawngah khawcil raawng rui tah Pathen cathli mami kah awm ih moeiboethli he a thlaang theen hamla awm tih, vaanben ukna, tungepna oen duehcahna kah ukna, uktemna oen pinzenna huiah awm ham awm ti huhsakna ni.
- B. Khawawk dungthli tah thlanghing moeiboe theenna huhsakna la awm. Bawipa kah khawawk dungthli tah thlanghing cooengna dawngkah aka soep moeiboe, thlanghing theenna kah a soepona te huhsakna la awm.
- C. Bawipa Jesu kah thlanghing theenna dawngah tlawh hoeihsakna tharaa awm. Te dawngah aka tlou huta lawng Bawipa kah himbaai paai te a tek vengah, Bawipa kah a theenna kah tharaana te huta tengla cet tih a tlawhna te hoeih.
- D. Khrih kah vaanben ukna kah bisainathli khui kalawng tlawh hoeihna tharaana la aka awm theenna te va thooeng- Matt.14:36
- E. Bawipa kah khawawk dung a tekna he a tang tang tah thlanghing cooengna dawng a tekna la awm tih, te dawng teah Pathen a tuengna la awm.(Kol.2:9) Teang a tekna lawng Pathen ben tharaana he amah kah thlanghing cooengna a soepna kalawng patoeng aka tek thlaang khui la a sang pe tih, huta nu kah hoeihna la cooeng (Luk.8:45-48. Heb.12:2a).
- F. Zoeirep thainawh angna dawngah aka awm Pathen he thlanghing cooengna kalawng patoeng huta kah thlawinna oen awmngaihna hamla tuihzoeih saal-thlawnkung aka tek thai thlaangla va cooeng.
- G. Thlangpingthli lawng tuihzoeih saal-thlawnkung teng kalawng tukhaw dang u nawh, tede amah aka tek lawng buengni a dang (HymnsE#599 a thaana 2 oen avoelna te bueh).

II. Bawipa Jesu he mami kah tuudoenkung la awm tih, mami tah amah kah tuuthli la ng'awm u – Matt. 9:36. Isai.40:11. 53:6. Ezek. 34:1-5, 11-15.

- A. Amah lawng mami he ram saitlimthli la Khrih oen duemna tuivathli la Muithla te awmngaihna kah a tawngcuekna dawngah n'khoemdoen u- Saam.23:1-2. 1Tim.1:4. Fil.1:19b. Jhn. 21:15. 1Thes.2:7. 1Kor.12:13b.
- B. Amah lawng mami he doengna lawngpuithli dawngah hinghangna oen mui thawhengna kah apabena paihuen ah n'khoemdoen -Saam.23:3. Rom.12:2. Jhn.7:38. Rom.8:4.
- C. Amah lawngah mami he thawhkoepna pneumatik Khrih kah a mikhaai huhtawngna a pathumna dawngah duekna khuup tuikaw dawngah n'ceh vengah khaw n'doencang-Saam.23:4. 2Tim.4:22. 2Kor.12:7-10.
- D. Amah lawngah mami he ka thoukoep Khrih te aka dung tare tih asang tare la awmngaihna kah a palina dawngah n'doencang-Saam.23:5

1. Bawipa lawngah mami kah ralthli haai kah mami haai ah cabawi te avan phaih-athaan.5. ref. 2Sam.4:4. 9:7,13. Gen.14:18-20. Neh.4:17
 2. Bawipa lawngah mami kah lu te situi avan suuep tih, boengloeng te avan coeihpawh sak – Saam.23:5b. Heb.1:9. 1Kor.10:16a, 21.
 3. Saam.3:5 dawngah thumkhat Pathen-Capa te caak aawh poei la, Muithla te situi suuepna la, Pa te zouthenna kungpuila-ng'huh u.
- E. Amah lawng mami he Bawipa kah im dawngah Pathen kah theennathli oen a reen lungvatna te hingkhui puer ng'awmngaihna kah a panga na dawngah n'khoemdoen-athaan,6.
1. Neumatik Khrih kah hingna ben doencangna huui ah a theenna oen reen lungvatna lawng mami n'hingkhui puer m'vaai vetih, mami kah khawhinthli khuipuer Bawipa im dawngah ng'awm u poen ai – athaan,6.
 - a. Theenna tah Khrih kah lungvatna a thuinuet tih, reenna tah Pa kah lungna a thuinuet coengah, vaaina tah Muithla kah pawlnengna te a thuinuet. Te dawngah Capa kah lungvatna, Pa kah lungna oen Muithla kah pawlnengnathli tah mami oenah haih awm – 2Kor.13:14.
 - b. Patoeng toeng aka poeng tih aka soepbir thumkhat Pathen te ng'awmngaihna lawngah mami te Pathen kah im, (Khrih, thlangboel, mami kah muithla oen Jerusalem khawthai – Jhn.1:13. 2:21. 1Tim.3:15-16. Efe.2:22. Awl.21:2-3, 22) dawngah awmngaihna khui la, n'hingkhui puer (tahe dungah, aka law ham dungah, dungzaan tue dawngah) mami awmna ham huen khui la n'khuen u.
 2. Pathen kah im dawngah n'hingkhui puer awm hamla tlap angoe – Saam.27:4-8.
 - a. Pathen kah a thlaangtheenna (lungna koei, ngaih hamkoei, awmtheen hamkoei) te dan hamla awm-athaan.4a,8.2Kor.3:18.
 - b. Pathen te doet ham, hinroek khawsakna dawngah n'doet hamla awm-Saam.27:4b.ref.Josh.9:14.
 - c. Pathen kah a thlip huui ah n'thliptung u tih, Pathen imca kah zingna huen ah n'thuh u hamla awm-Saam.27:5a.31:20.
 - d. Pathen rangoen hinghang sak tih, mami kah lu te n'thangpawm hamla awm-27:5b-6a.
 - e. Pathen bawilenna ham Pathen tengah laa sakna oen Saamlaathli oen awmngaih pangpuina te n'nawn u ham awm-athaan.6b. Heb.13:15. Fil.2:11

III. Bawipa Jesu tah mami kah duemna la awm-Matt.11:28-30.

- A. "Thalrih aka phuithli boeih, valaw u lah. Duemna kan peek u ai" athaan.28.
1. He dawngkah patangkhangna he aana awl kah awlpeekthli oen bawhna ben kah vai hamkoeithli khoemdoen hamla zawmna kah patangkhangna bueng ouhla, meang bibib dawngah khaw taana hamla thahuer zawmna kah patang khangna te khaw a thuingaih na. Patang khangthli boeih tah thalrih a phuith u poepa.
 2. Duemna tah aana awl nawh atah bawhna phung nawh atah meang bibi saina huui ah khawseh thalrih phuithna oen patangkhangna kalawng loeih sakna bung muehla, ngaimawngna soep oen ngaikhuekna a soep tekhaw a thuingaihna la awm.
- B. "Kai kah phuith he phuith u lang, ka tengah van cang u lah, Kawdaw oen kawdung thlaang la ka awm dawngah na lungbuithli duemna na huh u ai. Metitiah ka phuith he nep tih ka thalrih hekhaw zanghooep" athaan.29-30
1. Bawipa kah phuith phuithna tah Pa kawngaihna phuithna la awm. Meang bibina lawng khaw tungap ouhla, Pa kah kawngaihna rangoen ngah ngah zooekna la awm.
 2. Bawipa tah teang hingna te a hingpui tih, Pa kawngaihna bueng nawh atah atloe tukhaw khuituuk nawh (Jhn.4:34.5:30.6:38) Pa kah kawngaihna angla amah oen

amah boeih pe u(Matt.26;39,42) Te dawngah amah tengah cang hamla avan thuina la awm.

3. Amah tengah cangna tah amah te dauben oetna mai nawh tih, amah kah phuih-Pathen kah kawngaihna phuihna rangoen mami kah muithla dawngah Bawipa te pung tloepkawng hamla awm. Pathen kawngaihna lawng mami te phuih m'phuih saktih, mami kah rawn te rawnkhoeu khui la avan sang coengah, amah kah kawngtloep la ng'awm ham ni-1Pit:2:21.
4. Bawipa kah phuih phuihna oen amah tengah cangna rangoen ng'huh u duemna tah mami kah lungbuithli ham ni. Tetah khuiben duemna la awm tih, a coengna dawngah dauben bueng a thuina moenih.
5. Bawipa kah phuih tah Pa kawngaihna la awm tih, amah kah thalrih tah Pa kawngaih khuenna bibi la awm. Teang phuih tah nep tih(Theenna,reena, zaaica, nemna, ngaihkoeila awm tih- a raina, thatlawhna,haatna khaanathli oen kalh) u tih, zanghooep tih rih nawh.

IV. Cangtii hehkung tah Bawipa Jesu kah poekrai a thlanghing la awm tih, hehla aka awm cangtii hekhaw thumkhat Pathen kah pum a tuengna la ka awm Bawipa amah teni-Matt.13:3,18-23

- A. Mami lawngah cangtii hehkung Khrih kah huhdoenna te huh ham, amah te hingna cangtii la thlanghing coengna khuiah a hehna te huh hamla angoe. He huhdoenna tah Bawipa dangkoepna kah a laklungkir a lungbui la awm, metitiah Bawipa kah thinkaw ngaihna oen a tuhkaai u dawngah ni.
- B. Amah he a tuek thlangthli mami khuila kuunna ham, amah he mami kah coengna la awm sak ham oen amah a tuengna la awm sak hamla thooekna alawngim dawngah mami kah hingna la awmham a ngaih.
- C. Pathen kah hingna oen Khrih dawngah cuunthai la ka awm oengcathli tah Pathen kah a buehthawng laitheen, Pathen suenthaina dawngah Khrih rooeng sak ham lou la awm tih, te rangoen phutlou hawpaithli te Pathen kah sakna ham asai thai poen ai-1Kor.3:9,12a.
- D. Baibulca dawngah rooengna he sakna oenah vai ahih. Hetah mami khuiah Pathen hingna cangtii a rooengna rangoen huen a lawhna la awm-1Jhn.3:9.Kol.2:19.Efe.4:15-16.
- E. Efe.3:17 dawngah thumkhat Pathen kah a coengna la amah oen haw a pai la mami tengkah pakhat khat oen sakna bibi sai hamla mami khuiah va kuun tila a thui. Hehe Matt.13 kah cangtii hehkung thuinuetna oen a tueng sak.
 1. Bawipa lawng hingna cangtii la amah oen amah te laimeenla aka awm thlangthli kah thikaw khuiah a heh coengah ahimi dawngah rooeng tih a hing coengah ahimi khuiah tueng thai poen ai-athan.3.
 2. Cangtii tah laimeen kah a tuuinathli oen haih rooeng hamla laimeen khuila a heh. Thaitakla aka thaawn tetah cangtii oen laimeen pahih bawk kah a coengnathli a thooekna la awm-athan.23.
 3. Mami khuiah Pathen kah a suen a tuuinathli thuum tih, mami dawngah a rooeng naham la amah ava lawna ham a roekbahna ham a thuumna la awm. Pathen ben cangtii hamla laimeen la thlanghing thinkaw oen thlanghing a tuuina dat oen thlanghing muithla he a suenna la awm-1Pit3;4.
 4. Hingna dawngah mami n'rooengna a tahna he Pathen ben cangtii sawah awm nawh tih, cangtii te mami lawng a tuuina mezoeh m'peekna sawah ni a awm. A tuuina te zahawh m'peek tare, cangtii he zue roeng tare tih pungtai tare la awm-Matt.5:3-8.
 5. Mami kah lungbui dawngah, pumsa thlaang dawngah Pathen kah cangtii rooengna ham ameang a tuuina khaw awm ma nawh, tede mami kah khuiben thlaang khuiah

tharana oen a caksak tih, mami kah muithla te awlpui la khuahna oen muithla n'thuekdang u kawinih, a tuuina oen m'bawmcem thai vetih, Khrih lawngah mami kah thinkaw khuiah im avan sakthai poen ai-Efe.3:16-17. Rom. 8:6. 1Tim. 4:7. ref. Jude.19.

6. Mami lawng hingna cangtii la Bawipa te ng'awmngaihna hamla rooeng sak n'ngaih atah, Bawipa ham a pumboeih ng'awng pe u tih, mami kah thinkaw pumboeih la hoei atlaang sak hamla Bawipa oen thikat la m'bisai ham awm-Matt.13;3-9,18-23.
7. Khatben ah Pathen amah a cooengna oen mami te tha m'peek tih, atloe khatben ah a tuuina te bawmcemna la awm. He rawi dawng kalawng ah Khrih dawng Pathen lawng a cuek kah sakna- Bawipa kah im sakna-te mami kah cooengna pumboeih dawngah a khuenna la awm.